



TEO dan Dean



INTAN dan Brandon



ROSALIN dan
Diedre

Pelajar jurusan muzik persembahkan karya ciptaan 18 Disember ini

NST 10/12/19 9

SERAMAI 16 pelajar Jurusan Muzik, Fakulti Kemanusiaan Seni Warisan (FKSW) Universiti Malaysia Sabah (UMS), berpeluang mempersembahkan karya lagu ciptaan mereka di La Obe UMS pada 18 Disember ini.

Persembahan yang diadakan secara duo yang bertajuk Lumiere itu, bakal berlangsung pada jam 2 petang.

Sebanyak lapan lagu akan diperdengarkan, yang merupakan ciptaan sepenuhnya oleh para pelajar daripada jurusan ini.

Mereka ialah Fred Nick Hermenegildus dan Risha Sri Sufi membawakan lagu berjudul *Waves*, Jeredean Remang dan Cleteo Monjohi (*Anugerah Teragung*), Shameen Memalina Menson dan Sherly Patreace Nila Anak Stephen (*Rumit*), Vie Everrollah Daupin dan Xc Yonna (*Menuju Kejayaan*).

Noor Amila Izzyati Yamin dan Davianna Altan Anak Standey (*Setia*), Rosalin Wenny Maracus dan Deidre Ann Geoffrey (*Kelip-Kelip*), Willdzone Dulamid dan Jofradon J.Dunsir (*Tak Mungkin*), Brandon Oxlee Nasir Nesesusius dan Intan Nur Amiera Sanip (*Hatiku*).



WILL dan Jof



DAVE dan Mila.

Penciptaan lagu dan persembahan ini adalah untuk memenuhi tugas akhir sebagai pelajar seni muzik tahun 2.

Para pelajar ini akan ditugaskan untuk mengubah dan mencipta lagu sendiri untuk dipersembahkan secara langsung. Pelbagai genre ditampilkan seperti pop, pop rock, jazz RnB dan tidak ketinggalan juga genre reggae.

Lagu-lagu dalam album itu yang bakal ditampilkan nanti pastinya mampu memikat

penonton apatah lagi ianya turut mendapat sentuhan daripada pensyarah Program Seni Muzik berpengalaman, iaitu Roslee Hj. Wahid yang juga bakal mengadakan persembahan istimewa.

Malah beliau dijangka akan mencipta lagu baharu yang turut dipersembahkan pada hari itu.

Selain daripada itu, persembahan yang turut dihadiri oleh para pensyarah dan pelajar-pelajar UMS turut diserikan dengan beberapa acara

menarik yang mengiringi persembahan 16 pelajar Jurusan Muzik ini.

Dengan adanya program seperti ini ianya akan membantu melahirkan individu yang berdaya saing sekaligus menjadi platform dalam mengembangkan lagi bidang hiburan di negeri ini khususnya dan Malaysia amnya.

Justeru, warga UMS dan juga orang awam dijemput untuk



ROSLIEE, pensyarah Program Seni Muzik UMS.



SHAMEEN bersama Sherly

menyaksikan persembahan yang diadakan secara langsung pada 18 disember nanti. **-Oleh ALMAWATI RAKIM**